

* * *

ანდუყაფარო,

ლიპარიტო, _

დარნო მთათანო,

ბაგრატოვანთა ბანოვანის ტანო-ტატანო,

ბიჭო სესეო,

თოთიკანთ ქალო მელანო,

ვაჟას არწივო,

შოთას ვეფხო,

ტატოს მერანო;

ბზიფო,

ენგურო,

ალაზანო,

მტკვარო,

იორო,

აგერ, ახლახან გარდაცვლილო გალაკტიონო;

ქინძმარაულო,

ტიზანო, _

ღვინოვ კახურო;

გამოსროლილო ხევსურეთით ლექსო ხალხურო,

დიდო კოლხეთო,

დიდო ქართლო,

დიდო შამქორო, _

ვერ დამადუმონ,

ვერ დამძალონ _

თუნდა ჩამქოლონ.....

ვერ შეაჩერებს ვერაფერი სიტყვას გაბედულს _

ფრთები მასხია

თქვენგნით...

მხოლოდ თქვენგნით

რამეთუ.